

六

093.1	年 月 日
2000	
5	

佛教大学図書館



0013056883





選擇傳弘決疑鈔卷第五



沙門良忠作



第十二付屬佛名篇

問准法華等付屬儀式三摩付屬是顯懇懃志示未
來流通今化極惡大悲究極尤可三摩如何無邪答
化儀隨時設無三摩何必疎相大品前後付屬寶積
會會付屬未言必有三摩儀式亦此例也又可三摩
文無者略也

觀無量壽經云佛告阿難等事

正明付屬者諸師多云流通不言付屬但天台云結
名為付屬與今同也問序分文云阿難受持宜說佛

語地想觀云汝持佛語說是觀地法華座觀云汝等
憶持廣為大衆分別解說流通分云行此三昧者又
云若念佛者又云持無量壽佛名何云唯以念佛付
屬阿難答流通有二一勸持流通除付屬外自餘流
通是也二付屬流通持名文是也勸持付屬之名目
者出自天台先勸持者從迹門中至干本門神力品
未摠相對機而暫雖勸受持流通非慇懃儀然迹門
者說未終故無付屬也故釋云但有勸持無囑累也
上記次付屬者本迹說已三摩則寒三變淨土之菩薩
頂而說今以付屬汝等是鄭重之儀也今釋同之序

正中有流通之文唯云勸持勸說不名付屬今至此
文始云付屬宛如彼宗名目而已

私云案疏文等事

一定散二念佛者問下品念佛即是散善何故定散
外開立耶答既云案疏文有二行即指今上來雖說
等文也今消此文故且為二行也意云先言上來雖
說定散兩門之益者第一愍明定散二善也次言望
佛本願專稱佛名者第二別明念佛一行也摠中有
別開其別行立為念佛順佛願故超絕行故修十三
觀可得往生其旨見經敢莫疑慮者經云唯願佛日

教我觀於清淨業處又云唯願世尊教我思惟教我
正受定善若不生夫人何請故佛答言汝今知不阿
彌陀去此不遠汝當繫念諦觀彼國淨業成者我今
爲汝廣說衆譬定善若不生佛何許說又云如來今
著教韋提希及未來世一切衆生觀於四方極樂世
界以佛力故當得見彼清淨國土應時即得無生法
忍此明如來欲爲夫人及未來等入觀住心疑神不
捨心境相應見境得忍也未來凡夫不得定者如來
勸發使成徒語又地觀文云若觀是地者除八十億
劫生死之罪捨身他世必生淨國心得無疑又樓觀

文云若見此者除無量劫極重惡業命終之後必生
彼國又座觀文云此想成者滅除五萬劫生死之罪
必定當生極樂世界又勢至觀云觀此菩薩者不處
胞胎常遊諸佛淨妙國土指灼得生出此四觀又自
餘觀中其義非無謂樹成具見寶林網簾連暉懸六
華分千色菓現他方又心水漸靜池觀成時正觀也
池岸七寶映水水色色色兼聞也花間樹上揚波波
聲聲聲寶樹瑤池宛在眼前三昧定力蓋資身後何
况像觀真身觀觀音觀觀觀中有觀成有滅罪依報
觀尚生况正報觀勢至觀既生况彌陀觀音又雜想

隨機想池水文六易境轉心豈無觀成間現見當世
 無得定者故知經說唯是方便各未來有正像末法
 此界有中國邊境何局當時更難通說云散善有二
 一者三福二者九品者問三福九品是開合異更非
 別行何為二行答序分正宗二處說故分而為二非
 謂別躰並舉二者為以三福合九品行疏開為二亦
 斯意也世間孝養者孝經開宗明義章云身躰髮膚受其
 父母弗敢毀傷孝之始也立身行道揚名於後世以
 顯父母孝之終也又云章資於事父以事母其愛同
 資於事父以事君其敬同故母取其愛而君取其敬

兼之者父也故以孝事君則忠比同注云孝者子婦
 之高行也忠者臣下之高行也比言事君盡命曰忠
 事親盡力曰孝也事親盡命則曰之不孝所以毀父
 母之遺躰也又同注云君子之道讀約自持居上不
 驕處下不亂推歆能讓在衆不爭故遠於咎悔無凶
 福之灾比又云生則事之以愛敬死則事之以哀戚
比史記云家貧親老不擇官而任負重比遠不擇處
 而息比論語云父在觀其志父沒觀其行三年無改
 於父之道可謂孝矣出世孝養者行事抄云二明生
 緣奉許法五律分畢陵伽父母貧窮以衣食供養佛

言若人百年之中右有擔父左有擔母於上大小便
利極世珍奇衣服供養猶不能報須臾之恩從今聽
比丘盡心供養父母不尔者得重罪僧祇父母不信
三寶者應少經理若有信者得自恣與無也若父母
貧賤將至寺中若洗母者不得觸得自手與食父者
如沙弥法無異一切皆得涅槃以佛法僧三事常住
啓悟父母乃至七世皆令奉持乃至自學教人即名
護法者得長壽等毗尼母云若父母貧苦先受三歸
五戒十善然後施與若不貧雖受戒不合與四分阿
難請投愛道戒中云乳養長大有恩故佛言若聞三

教是云林

雜寶藏

寶名字已是報恩何況得淨信等雜寶藏慈童女長
者家貧獨養老母現世得報緣鸚鵡孝養盲父母得
成佛緣增一云孝順供養父母功德與一生補處功
德一等文云教二人作善不可報恩謂父母也云是
故比丘常當孝順供養父母不失時節當如是學五
百問論云父母盲病無人供給得乞食與半自能紡
績與衣食犯罪况為埋藏棺木等僧祇比丘不得與
阿爺阿孃阿即阿婆阿兄阿姊乃至姨姑等不得與
本俗名準應優婆塞優婆夷等增一云四性入佛法
同名為釋迦種子不得依俗性比丘當學善見云喚

婢為大娣不得云婢阿摩母也尼者女也若父母死
 自得舉屍增一云愛道無常佛自共羅云各扶狀一
 角等淨飯王泥洹佛亦自舉乏山林岐峨踊沒比丘
 不須反眼依常為要上已資持記云第二辨生緣中初
 引緣佛下立制親擔父母者即執勞奉事珍奇衣服
 者即供給所須右父左母者順陰陽也或可彼方偏
 尊母故有云西土以東為尊左北右南此是陰故然人行所向不定未必如此須更恩
 者懷抱長養至於長大經涉多時百年勤苦不報須
 更况多時乎以道供俗本是汗家唯許二親故云聽
 也得重罪者違制吉羅業道重故有云逆九二中不信

少經理者逼令歸正故經理謂供給管轄也有信恣
 與者必無虛費故關將至寺者無親可歸故洗母不
 觸者解不關親故父如沙弥者養同小衆故唐僧傳云
 敬脫常擔母一頭經書一頭食時留母樹下入村乞
 食用以宛繼又齊道紀亦以經書佛像老母掃帚擔
 荷而行每謂人曰經不云乎掃僧地如閣浮不如佛
 地一掌許親供母者與登地菩薩齊人或助擔者紀
 曰吾母也非他之母形骸之累並吾身也有身必苦
 何得以苦勞人所以身為苦先幸勿相助此乃大度
 豈比常途雖教有小違而理歸大順酬恩竭力今古

無之三中涅槃三寶一躰躰無生滅故皆常住啓開也七世者北遠疏云無始皆開何止七世但隨世俗且言七耳即梵網云六道衆生皆是我父母我生生無不從之受生是也母論貧者先法後貧不貧但法無所乏故四分愛道求出家如來不許阿難代請之詞愛道是佛姨母佛生七日摩耶命終姨母乳養長大愛道在俗已證初果故云况得淨信是知生育恩大雖百年肩荷不報須臾三寶一聞即酬重德故唯佛法可報劬勞自外供須終名直養四中彼經第一云佛言我於過去世時婆羅奈國有長者子慈童女

父喪賣薪日得兩錢奉養老母次得四錢八錢十六錢後欲入海採寶母即抱提子制手絕母數根髮遂入海取寶還發時有水陸二道即從陸道去及見有城紺瑠璃色有四玉女擎四如意珠作樂來迎四萬歲中受大快樂酬上二錢次復前行見頗梨城有八玉女擎珠來迎八萬歲受樂酬上四錢復捨遠去至白銀城十六玉女擎珠來迎十六萬歲受樂酬上八錢又復捨去至黃金城有三十二玉女擎珠來迎三十二萬歲受樂酬上十六錢又復捨去遙見鐵城心生疑恠遂入鐵城有一人頭戴火輪捨著童女頭上酬換母髮童女問獄率言

我戴此火輪何時可脫答言世間有人罪福如汝然
 後可代又問今獄中頗有受罪如我者否答言不可
 稱計聞已思惟願一切受苦者盡集我身作是念已
 鐵輪墮地獄率以鐵刃打頭命終生兜率天特慈童
 女者即我身是當知父母小作不善獲大苦報少作
 供養得無量福童子是長者非女人也鸚鵡彼云過去雪山有
 一鸚鵡父母都盲時有田主初種穀時願言與眾生
 共食鸚鵡子即常於田採取以供父母田主按行苗
 稼見諸虫鳥剪穀穗處嗔恚便設網捕鸚鵡子言田
 主先有好心何見網捕且田者如母常生長故種子如父

相繼實語如子可寶惜故田主如王擁誰田已得自作是
 語已田主歡喜問曰汝取此穀何為答言盲有父母
 願以奉之佛言鸚鵡者我身是田主者舍利是盲父
 母者淨飯摩耶即是增一兩節初较量功德一生補
 處即淨覺菩薩唯知孝養功德唯降佛菩薩戒云孝
 順至道之法儒書亦謂至德要道則萬善之摠百行
 之源儒釋皆然釋門尤切常當思報勿得背恩文下
 次明恩大文合作又並增一故謂雖以善道罔極難
 酬故云不可報或可教導餘人可使報恩父母有恩
 故不望報是下結勸五中論舉盲病餘病例然又但

闕所須不必在病自能紡績者將舉微賤類餘充足
不須強施與犯罪即吉同汗家故准此斟酌六中僧祇
令改俗阿字入呼準應即義准文不出故增一明易
姓彼云四姓出家同稱釋氏即謂比丘非關俗士此
明離俗已後不得依本族姓也善見召婢既已出家
則非所屬故加美飾不復本名阿摩尼即佛召姨母
之號然此二號乃是通召女流僧祇所制即局本時
親屬故不同也七中初聽鑿屍引經顯據彼文云愛
道涅槃佛與阿難難陀羅云鑿屍儉特梵釋四王欲
代為之佛皆不許為報恩故淨飯亦然岐音頗峨音

我謂傾動也以制反服今時多著絲帛袈裟乃以布
衣為孝服又云僧無服制但布少麤是不聞智論云
如來著屨布伽梨傳謬至今愚迷不改文有白帽素
條蒲鞋哭杖做同鄙俗一任愚情觀此明文早須悛
革上仁義禮智信者惣而言之則號之孝行開而名
之則云之五常弘決一云慈良育物為仁良德推遷
為義進退合儀為禮權奇超據為智言不可反覆曰
信老子曰先道而後德先德而後二先仁而後義先
義而後禮先禮而後智先智而後信彼老子意良道
為本信不可忘道非出世意存五德云五行大義云

五常仁義禮智信也行之終久恒不可闕故名爲常
此以能成其德故云五德殺卒仁盜卒義媼卒禮酒
卒智妄卒信愍傷不害日仁清察不盜日義防害不
媼日禮持心禁酒日智非法不言日信此五不可造
以而舒馬韓云造次急也孝養奉事爲往生業者問疏二云
世善輕微感報不具既判感報不具今何立世善生
生之義乎答凡驗經意爲化定散機更說定散法定
散若不成何稱定散機若許其行成寧不成生因且
三福中世善最劣爲讚戒福即毀世福雖同往生而
有勝劣是故彼文更無相違故疏四云或有一人單

行世福迴亦得生或有一人單行戒福迴亦得生或
有一人單行行福迴亦得生等復九品中上六品行
皆以餘行各爲生因來迎佛讚唯局受法若云餘行
不生者恐卒二尊之意加之大師定判祖師口決皆
許定散往生之義莫言宗旨不明諸行往生之義云下
唯慈心不殺修十善業此有二義者九品性生義云
不害物命名不殺即是十善中第一戒善也至乃又釋
慈心者是四無量心舉初顯後故悲喜捨具足維摩
經又說四無量心是菩薩淨土菩薩成佛時成就慈
悲喜捨衆生來生其國已上解上上品慈心今釋爲

之又閻師觀經疏云慈心不殺者緣一切衆生欲與
其樂故名爲慈四無量中慈無量也此心廣大得無
量福能生淨土也此四無量者一慈二悲三喜四捨
言無量者無量有情爲所緣故引無量福故感無量
果故慈是與樂謂云何當令諸有情類得如是樂如
是思惟入慈等至悲是拔苦謂云何當令諸有情類
離如是苦如是思惟入悲等至喜是喜慰謂諸有情
類得樂離苦豈不快哉如是思惟入喜等至捨是平
等謂諸有情平等平等無有怨親如是思惟入捨等
至此四無量不能令他實得樂等善阿世耶其勝解

想以相應而起願欲令彼得樂乃至捨故雖實未得
更非顛倒故由此力能治貪等謂慈治嗔悲治害喜
治不欣慰捨治欲貪嗔恚此緣欲界一切有情不緣
上界能治緣彼嗔等障故謂於欲界有怨親中三聚
有情能生嗔等於中有捨怨親等相便能伏除嗔等
煩惱是故此境唯欲有情具如俱舍不能廣釋問慈
心不殺以屬四無量心其義不明今說散善彼定善
故各准俱舍論四無量心依地異說不同故論二十
九云第三但依初二靜慮喜受攝故餘定地無所餘
三種通依六地謂四靜慮未至中間或有欲令唯依

五地謂除未至是容預德已離欲者方能起故或有
 欲令此四無量隨其所應通依十地謂欲四本近分
 中間此意欲令定不定地根本加行皆無量攝上已第
 三義許通欲界故九品義意依攝而已大乘三歸若
 為受三聚十重等戒通歸三種四種三寶小乘三歸
 者新學名句中云五種三歸一翻邪三歸二五戒三
 歸三八戒三歸四十戒三歸五具戒三歸已俱舍等
 意具足戒者羯摩受戒非受三歸更不可思釋大小乘
 戒者五戒八戒沙弥十戒比丘二百五十戒比丘尼
 五百戒是名小乘戒三聚淨戒十無盡戒四十八輕

戒等是名大乘戒八萬及三千威儀者云四教菩提
 心者止觀一云推理發心者法性自天而然集不能
 深苦不能惱道不能通滅不能淨如雲籠月不能妨
 害却煩惱已乃見法性經言滅非真諦因滅會真滅
 尚非真三諦焉是煩惱中無菩提菩提中無煩惱是
 名推生滅四諦上來佛道下化眾生發菩提心推無
 生四諦發心者法性不異苦集但迷苦集失法性如
 水結為冰無別水也達苦集無苦集即會法性苦集
 尚是何况道滅經言煩惱即是菩提菩提即是煩惱
 是名推無生四諦上求下化發菩提心推無量者夫

法性者名爲實相尚非二乘境界况復凡夫出二邊
表別有淨法如佛藏經十喻云是名推無量四諦上
求下化發菩提心推無作者夫法性與一切法無二
無別凡法尚是况二乘乎離凡法更求實相如避此
空彼處求空即凡法是實相不須捨凡向聖經言生
死即涅槃一色一香皆是中道是名推無作四諦上
求下化發菩提心比私謂生滅者三藏無生者通教
無量者別教無作者圓教圓教之中各有四諦四諦
無常故名生滅四諦本空故名無生四諦通界內外
若干無量故名無量陰入皆如名苦諦塵勞本道名

集諦邊邪中正名道諦生死即如名滅諦四諦皆是
實相不思議第一義故名無作各推生滅等四諦方
發無上菩提心是名推理發心觀相好神通法滅等
發菩提心亦有四教文廣不述真言菩提心者非談
義法本法有制何載其義華嚴菩提心者遊心安樂
道云今依此文略辨其相於中有二先明正因後明
助緣所言正因謂發無上菩提心也即不願世間富
樂及與二乘菩提涅槃一向志願三身菩提名無上
菩提之心其定語及三道也趨標雖然於中有一一者隨事發心二者
順理發心言隨事者煩惱無數欲悉斷之善法無量

願悉修之。眾生無邊，願悉度之。於此三事，決定期願。初是如來，斷德正因。次是如來，智德正因。第三心者，恩德正因。三德合為無上菩提，即是三心。摠為無上菩提之因。因果雖異，廣長量齊等，無所遺，無不苞。故如經說言：發心畢竟二不別。如是二心，前心難白，未得度先度他，是故我禮初發心。此心果報，雖是菩提，而其華報在於淨土。所以然者，菩提心量廣大無邊，長遠無限，故能感得廣大無際，依報淨土長遠無量。正報壽命除菩提心無能當彼。故說此心為彼正因。是明隨事發心相也。所言順理發心者，理信解諸法

皆如幻夢，非有無非離言絕慮。依此信解發廣大心，雖不見有煩惱善法而不撥無，可斷可修。是故雖願悉斷悉修而不違於無願三昧。雖願皆度無量有情，而不存有能度所度，故能隨順於空無相。如經云：如是滅度無量眾生，實無眾生得滅度者。乃至廣說，故如是發心不可思議，是明順理發心相也。隨事發心者，有可退，義不定性，人亦能得發。順理發心，即無退轉。菩薩性人，乃能得發。如是發心功德無邊，設使諸佛窮劫演說，彼諸功德猶不能盡。正因之相略說，如是比三論法相菩提心相不違。廣述意氣博遠等者。

如三論文云大乘博與不可具明世間因果者有漏
因果名為世間破壞義故流轉義故如正法念經說
者諸經論中雖亦宜說十二因緣流轉行相而經說
五彩分布之譬而廣明五道流轉相故別指耳出世
因果者無漏因果名為出世謂諸出離行名出世因
遂到所期名出世果且依天台者彼宗意聲聞乘是
三藏支佛是通菩薩別佛是圓是依涅槃四乘觀智
而立四教之意也言四乘觀智者下智觀中智觀上
智觀上上智觀如次藏通別圓本名也華嚴說別圓
故云說佛菩薩因果方等般若法華涅槃例之可知

問阿含唯說藏教何言說聲聞緣覺因果耶緣覺乘
即通教通教中智觀故如何答此四乘觀具豎橫二
義橫皆則教教皆有四果豎則四教配屬四乘若約
豎者實如所責今約橫義故阿含中具說二乘也問
若約橫義者可云四乘何言二乘耶答阿含經意正
化二乘傍為菩薩今從正意故云二乘也讀誦大乘
者九品義云對文名讀離文稱誦大者普遍廣博之
義乘者即是運載之義謂運一切蠢蠢群生證大覺
果故名大乘比五種法師者一受持二讀三誦四解
說五書寫出法華法師功德品十種法行者天王般若云有十

種法行一書寫二供養三流傳四諦聽五披讀六憶
 持七廣說八誦誦九思惟十修行上已中邊論云釋十
 種法行但限大乘上已結集末結集等者探玄記云
 華嚴經有六本一恒本於一毛端屢念念中以微
 亦非下位所結集二大本以須弥山聚筆四大海水
 所過微塵數諸菩薩以陀羅尼力三上本結集中之
 十三千大千世界微塵品四中本有四百九十九萬八千八
 數須四天下微塵數品五下本有十萬頌三千八
 上二本並在龍宮非閻浮人之所受持故此不傳私謂華嚴
 六略本六十卷本是也十萬頌中前三萬私謂華嚴
 既余餘經例知又傳聞法華經西天梵本布一由旬

城云即上初福第一第二句意者問孝養仁慈如次
 合可彼第一第三句何云第二句耶答敬上慈下二
 義別故合四句為二句以上二句為第一句以下二
 句為第二句也或可言第三句言第二者一點缺歟
 若准上三福者第三福大乘意者問且下品三生之
 念佛疏中不合三福今何合行福耶答疏中以六念
 合行福大乘之意義故知念佛應合行福大乘意義
 也但至疏中不合者只是文略問何故略之答准上
 六念可例知故然今學者云下三品念佛非三福攝
 亦非受法云私謂此義既違此集何足云也但彼執

者云疏文既以下品三生念佛不合三福亦不屬第六門此乃念佛通九品故別不可爲一品受法也今謂疏中以念佛不屬第六門者十一門以第雜亂故也謂下三品至第九門遇知識時逆具前八門故不云第六門縱以罪惡屬第五第六門終至最後而行念佛偏可屬第九門故亦不云第六門也然執者只看略文而起異解遠此集文嘲上人義得失之間何是何非疏既不云下品念佛非是受法何況文前或云善惡二行或云受苦樂法是豈非云三品念佛屬第六門明文在此迷者可憐又學者多附此集而言念

佛非定散攝即此集中釋定散已結云定散二善大槩如此文即云上來雖說定散兩門之益是也次念佛者專稱弥陀佛名是也此故知念佛非定散攝云此亦不尔散善之文極至下輩若存此義有正宗中不說本願念佛之咎若以三心而屬念佛亦有心行雜亂之咎但至今釋者且消上來雖說等文意也彼文亦釋經名號付屬文謂正宗中雖廣說定散念佛而至付屬文唯局念佛者順佛本願故也自揔中而抽別非謂念佛離定散行故群疑論云或深或淺通定通散此答曰本願念佛等者答直不說本願念佛

謂純說本願文在大經故讓彼不純說也又說定散
等者若觀經說定散謂定散與機樂欲異故佛對其
機說應定散而今言為廢而說者對隨自機顯佛願
時佛意亦自有廢餘意故言為廢非謂如來直為廢
設定散說也傳開蓮華公始見此等文心中思念此
集之趣頗似偏執其夜上人入夢所謂天王寺西門
有多病者疲卧道路時有一聖手執一鉢鉢入灑湯
灌病者口問曰此誰人乎傍人荅曰源空上人夢覺
已後深生隨喜即解夢云譬如病重不能食飯唯好
玄甫梨淮南橘病弥尅時亦嫌菓子僅飲灑湯暫支

性命今迫未劫法命至唯真言止觀梨無含三論法
相橘苦口唯有意佛是為良藥當知上人可是知時
鑒機偏勸念佛散善十一者指三福之十一句也隨
他之前等者述上來雖說定散兩門之益等文意也
言開閉者是說點義謂始自序至勸持流通逗隨他
機雖開說定散兩門益至付屬時點而不說故言還
閉者念佛一行非帝上來說亦付屬時唯局此法此
則本願行故佛意在令一向稱名故言一開後永不
閉也隨自他言出涅槃經經三乘法名隨他意語一
乘法名隨自意語天台依經亦用名目今釋隨義傳

用而已

第十三念佛多善根篇

多善根者一念乃至十念等能得無上大利不可思議功德故名爲多故群疑論七云此念阿彌陀佛一聲已上即是無量無邊殊勝功德故名多也又靈芝云問四字名字凡下常聞有何勝能超過衆善答佛身非相果德高深不立嘉名莫彰妙躰十方三世皆有異名况我弥陀以名攝物是以耳聞口誦無邊聖德攬入識心永爲佛種頓除億劫重罪獲證無上菩提信知非小善根是多功德也華嚴曰寧受地獄苦

得聞諸佛名不受無量樂而聞諸佛名乃至廣說上小善根者餘諸雜行功德少故名爲小善故釋云隨緣雜善恐難生靈芝云如來欲明持名功勝先貶餘善爲小善根所謂布施持戒立寺造像禮誦坐禪懺念苦行一切福業若無正信迴向願求皆爲小善非往生因若依此經執持名號決定往生即知稱名是多善根多功德也此意云餘善正信難立故多分不生云非往生因非謂全不生念佛正信易立故決定往生云多善根等問少善若雜行者雜行生彼土何云不生答修雜人中有堪能機至心生彼故餘行中

盛說往生今經爲令不堪之機不行餘行嫌云不生
是則大聖善巧逗物機設毀讚言故釋家得旨改不
生又述恐難生希有一二三五得生故恐者恐慮不
生之文難生者對易生之言非謂全不生難易相對
其義可見問釋之與經非可鉅楮恐字恐慮餘經生
文彼說生者教門方便更非實義獨局念佛盛有證
誠即其義也既無證據知方便說如云壽命延長難
可量實雖無量亦云難量若言有量佛壽常住何有
盡期又如云凡夫亂想恐難生亂想之時雖全不生
亦云難生故今釋雜善恐難生以全不生應言難生

若存諸行不生義者諸經明文皆悉破壞今家定
判僉成虛說况上六品來迎佛讚專在餘善若屬虛
誇釋迦弥陀成設妄言若云妄言恐招謗法之過者
歟不可不慎但證據有無諸經不同何無證據之諸
經典皆屬妄語獨局證據經得名實說哉至所難文
者壽命延長難可量等者實無量故雖云難量隨緣
雜善恐難生者對干易生之難生故希生言難有何
妨耶問難生之義雖是兩兼今恐難生全可同經何
得會云希生爲難只任汝情忝會經文各難字若許
有兩兼義汝之義豈道此難唯約多分可會今文經

云難信之法豈全不信念佛哉今家亦云佛道人身
難得今已得淨土難聞今已聞等此皆希有名云難
也此例非一凡三經所說今家定判盛明諸行往生
之義五番相對不立生不生對十三失中不判有不
生失但至千中無一文者既置不至心言不足為難
未見一處述不生義何局今釋定判雜行不生之義
况看今文勢改不生文釋成難生定有深意按餘處
釋驗今文意為許希得一二之義故法事讚云一切
福業皆迴向終時化佛自來迎已解彌陀經釋許諸
行往生何堅執不生耶或凡夫亂想恐難生者凡夫

心多散亂是名亂想諸經盛說凡夫往生十方淨土
恐慮此說故置恐言難生者對易生之言謂為勸西
方極樂易往顯示餘方淨土難生勸向西方為別異
耳故云如來別指西方國大經云易往而無人禮讚
云以佛願力易得往生今云一切佛土難生難易相
對其義分明故群疑論云且如觀經等中勸生西方
一顯九夫二明未來三彰造罪四有十方諸佛舒舌
證誠五有多本經文同證依之修學無有疑滯故此
西方淨土業易可依行諸經既無前件等文唯有一
句兩句勸生之處難可依行何故捨廣多文句而就

小經文耶_上餘方淨土翻之可知故同上文云一有說無勸二有勸機少三勸文不具記

阿弥陀經云不可以少善根等事

一日七日執持名號者問為臨終念佛為尋常別行答尋常別行法事讚云七日七夜心無間長時起行倍皆然_云既對長時云七日知是別行問觀念門云上盡百年下至七日一日十聲三聲一聲等既對一形言下至七日等是似判臨終七日行答不尔彼文所言七日等者亦是尋常別行但言百年一聲等者因釋別行廣解長時短時念佛也或弥陀經七日念

佛雖是尋常別行意亦通於臨終故觀念門釋其義耳又戒珠傳云道綽曰須依小阿弥陀經一七日相續無間念名號若滿一百萬返必得往生釋道生信此言修七日念佛行果得一百萬返晝夜六時不睡卧出第七夜五更聞空中聲言淨業已立必得往生却後九年我來迎之所示不違六十有五身有微病而無惱氣絕終向西方說一偈曰西方聖眾現來迎神散心念佛功妙難測比天台弥陀經義記云心不顛倒即得往生何以故臨終一念用心懇切即當得夫惠心略記云問一七日等為是尋常為是臨終答

由尋常所行得臨終正念也然義記云臨終一念用心懇切即當得去此釋臨終正念之用非言七日必近臨終上禪林彌陀經要記云七日行後設雖造罪而此行法決定業故是人臨終時心不顛倒懺悔滅罪必得往生或七日後不遇惡緣是以大善威德力故一切諸佛所護念故此等諸佛師判尋常行也又群疑論五云阿彌陀經對經日死人能念佛亦生淨土上此釋臨終一心不亂者起行之時專注不散名為一心故禮讚云乃至七日一心稱佛不亂法事讚云七日七夜心無間通贊云一心不亂者專注無

散也靈芝云後一句指一心不亂教繫想此一句經正明成業先須收念面向西方合掌正身遙想彼佛現坐道場依正莊嚴光明相好自慨此身久沉苦海漂流生死狐露無依譬如嬰兒墮在坑窞叫呼父母急救危忙一志依投懇求解免聲聲相續念念不移上祖師小經釋云一心不亂者念佛時心不散亂至誠至信專念佛名也上此等文約起行而釋一心義又通安心一心上人云本願至心信樂欲生我國觀經三心小經一心皆三心也或人問云阿彌陀經所說一心當我等分云何得意上人答云一代所說皆陀行

相不出四十八願之意願文既云至心信樂等知一心者指三心也已上二義俱祖師義故知一心通二義也教念弥陀專復專者先師云初之專者對正行於雜行而言專後之專對正業於助業而言專也私謂或可再言者表志之鄭重謂專念之勸佛意懇懃故釋家探教旨可再置專字矣長時起行倍皆然者是因七日行勸長時起行謂盡形行念念倍增更無退屈也如觀念法門云七日七夜及盡一生等坐時即得無生忍等者得處不退名無生忍進入初住位不退云證得不退始入三賢故云入三賢也

私云不可以小善根等事

襄陽石刻等者龍舒居士大智律師俱引彼本以為規模龍舒者王曰休先生也形在家心出家志求出離作淨土文云隋陳仁陵者靈芝云梁陳仁陵若此依經執持名號決定往生即知稱名是多善根此依經執持名號決定往生即知稱名是多福德也昔作此解人尚遲疑近得襄陽石碑經本文理冥符始懷深信彼云善男子善女人聞說阿彌陀佛一心不亂專稱名號以稱名諸罪消滅即是多善根多福德因緣彼石經本梁陳人書至今六百餘載竊疑今本相

傳訛脫上梁隋相並故非相違戒度聞持記云彼云
 下正引文據彼石下較經得失梁陳乃南朝兩國之
 名朝散即陳仁稜書碑在襄州龍興寺本朝殿撰季
 公諱支聞字季益嘗守官於彼持此經歸錢唐疏主
 得之喜不自勝遂復刊石立于靈芝大殿之後續因
 兵火焚毀悲夫逆推梁陳去晉未遠可驗得真今本
 既經六百餘載中間傳寫訛脫可知上非啻有多少
 義等者梵言摩訶是大多勝義也今雖對竹牒之本
 文探符唵葉之文耳又大一字具有大小多勝三義
 謂勝人稱大人是大有勝義也形大稱大人直是大

義也多人稱大眾是大有多義也是注釋意

第十四方諸佛唯證誠念佛篇

言證誠者誠實也證驗也所謂諸佛證明釋迦所說
 念佛是誠實語也問何故此經獨明舌相證誠答群
 疑論二曰今說阿彌陀經言五逆十惡罪根眾生唯
 能念佛皆生淨土雖佛弟子信向之者亦生疑惑不
 信此言現見今時四部衆咸有正信尚疑念佛不即
 得生故知此經甚難生信探如一切種智預知未來有此
 衆生懷疑者衆故同舒舌相表法至真勸物修學又
 往生淨土解行已上三賢菩薩或龍樹等得生西方

極惡凡夫亦生正信彼諸勝人福多罪少得生淨土
 有何可怪五逆十惡罪惡凡夫一念十念至誠徹倒
 乘佛本願得生西方十地三賢諸菩薩眾亦信此事
 不起疑心唯說下品下生五逆十惡如此愚人無惡
 不造逢善知識教稱佛名具足十念即生淨土還是
 此輩十惡眾生不信念佛得生淨城我等更是罪惡
 凡夫無始已來是憊皆犯念佛十聲有何功德令我
 重罪則得除滅往生西方極樂世界此但是佛引接
 之言或是遠聲作近聲說是第二階法或言別時之
 意種種異解不信即生斯謗極多信順甚少故此言

教為信者希諸佛同舒舌相偏覆三千之界證法不
 謬決定得生護念行人今生淨土上通贊云證少事
 即覆面門以至髮際今證大事故至三千今說因微
 果勝恐眾生疑此乃拋苦惱之要門證常樂之疾路
 事既廣大現瑞非輕舒舌相而遍覆大千證西方而
 具快樂也上問夫證誠者為今此眾聞他佛證發起
 信心而於本國說誠實言不足證誠答群疑論二云
 現不虛誑之舌相發誠諦之真言令眾生觀相聽言
 除疑生信比此會眾既許見舌相聞言說故成證誠
 義也又通贊云開靈山開塔要似召集分身舍衛啓

延何故不邀諸佛各召佛開其寶塔赴彼佛之願心
 證土啓相信誠顯此尊之悲意但各居自國不至此
 方也上又法事讚云為其本國凡聖眾讚嘆釋迦變
 現身又云上方諸佛如恒沙還舒舌相為娑婆通讚
 云問汝等者為是六方諸佛告語自國聽徒為當釋
 迦勸誠祇菌之眾各觀此經勢而有二意一佗方諸
 佛告自國聽眾二釋迦轉引彼佛意言證彼西方今
 一會眾生信敬也上准此等釋舒舌相化通自他土
 故不偏來耳

善導觀念法門云又如弥陀經云等事

一切造罪凡夫者此經說善男善女依觀經意言
 造罪也一聲一念者念稱相備名為一聲准念無聲
 名為一念如次應配上下中兩品受法

私問曰何故六方等事

天台十疑等者上釋云文雖在此經義通於彼經為
 成此義引十疑論文故知大經鼓音聲經無雖無證
 誠之文彼二經意含證誠義也問誰知天台意彼二
 經無證誠文故大經下云無量壽佛威神無極十方
 世界無量無邊不可思議諸佛如來莫不稱嘆鼓音
 聲經云十方恒沙諸佛皆具讚彼安樂等既有讚嘆

豈非證誠否讚歎與證誠有寬狹異讚歎是廣證誠是狹何必須云讚即證誠一義云天台之意引證誠文也但盛與不盛豈無與奪

第十五方諸佛護念篇

言護念者通贊云諸佛護持明記憶念也即衆行雖廣難方念佛之功諸福雖多爭並持經之力故使六方諸佛以神力而護持沙界聖人乃一心而憶念故云一切諸佛所護念經靈芝云護謂覆護不便魔燒念謂記念不令退失勢至章云十方如來憐念衆生如母憶子大論云譬如魚子首佛經母若不念子即壞爛上

觀念法門云又如弥陀經等事

恒沙等佛共來護念者問經不說諸佛來者既能護念何不來現如阿弥陀觀音勢至常來至也橫病橫死者藥師經云阿難問云九橫云何救脫菩薩言有諸有情得病雖輕然無醫藥及看病者設復遇醫投以非藥實不應死而便橫死又信世間邪魔外道妖藥之師妄說禍福便生恐動心不自正卜問覓禍殺種種衆生解奏神明呼諸魍魎請乞福祐欲冀延年終不能得愚癡迷惑信邪倒見遂令橫死入於地獄無有出期是名初橫二者橫被王法之所誅戮三者

畋獵嬉戲耽嬉嗜酒放逸無度橫為非人奪其精氣
四者橫為火焚五者橫為水溺六者橫為種種惡獸
所啖七者橫墮山崖八者橫為毒藥厭禱呪咀起屍
鬼等之所中害九者飢渴所困不得飯食而便橫死
是為如來略說橫死有此九種其餘復有無量諸橫
難可具說上

私問曰唯有六方如來等事

彼佛即遣者問彼經云我從今日常使前二十五菩
薩護持是人觀念法門云又如十往生經說佛告山
海惠菩薩及以阿難若有人專念西方阿彌陀佛願

往生者我從今已去常使二十五菩薩影護行者已
此以釋迦而為能遣禮讚引文何以彌陀為能遣乎
答二尊大悲更無殊異釋迦既遣彌陀盍亦故禮讚
文顯此義耳二十五菩薩者觀世音菩薩大勢至菩
薩藥王菩薩藥上菩薩普賢菩薩法自在王菩薩師
子吼菩薩陀羅尼菩薩虛空藏菩薩德藏菩薩寶藏
菩薩金藏菩薩金剛藏菩薩光明王菩薩山海惠菩
薩華嚴王菩薩珠寶王菩薩月光王菩薩日照王菩
薩三昧王菩薩定自在王菩薩大自在王菩薩白虫
王菩薩大威德王菩薩無邊身菩薩也出十往即得

延年轉壽者開臨終要決善導作云常自思念我現在之身
 多有衆苦不淨惡業種種纏交攷下身心莫生戀著
 纔有病患莫論輕重便念無常一心待死比今此延
 年轉壽之義盍妨一心待死之想也若轉壽者護念
 利益也待死者行者用心也莫言西方行者祈願現
 世長壽問有行者志求淨土兼祈延年亦得往生若
 若自念年壽者即成不厭穢土若無厭穢之心何有
 欣淨之思狀欣若無何生淨土但機類萬品可有平
 生之時兼祈二世臨終之時偏期往生遂其本意之
 人問全不期往生類念佛可得延年轉壽若猶有其

益安樂集云又譬喻經中有一長者不信罪福年已
 五十忽夢見殺鬼費符來欲取之不過十日其人眠
 覺惶怖非常至明求覓相師占夢師作卦地云有殺
 鬼必欲相害不過十日其人惶怖倍常詣佛求請佛
 時報云若欲攘此從今日已去專意念佛持戒燒香
 燃燈懸繒幡蓋信向三寶可免此死即依此法專心
 信向殺鬼到門見修功德遂不能善鬼即走去其人
 緣斯功德壽滿百年死得生天上

第十六以弥陀名號付屬舍利弗篇

問今所引文結集者言更非佛語况付屬耶若法事

讚受此文云。慇懃付屬。故引之也。問釋尚不去難有。違經失故。况彼讚既舉末後一段。有_{法文語}三重讚。誰定付屬言。讚經家詞。各委以讚文狹。經現文初讚。釋諸佛讚。釋迦文。即初至。說是一切世間難信之法。次讚。釋釋迦自讚。文即舍利弗當知。下至是為甚難。後讚。釋付屬文。即佛說此經等文。三段讚文配文分明。上來諸段依經起盡。今文亦亦。不可致疑。故上人彌陀經釋云。善導和尚釋。聞佛所說歡喜信受。文云。卅尊說法時。將了。慇懃付屬。彌陀名。已全與今同。但至經無付屬言。者是文略也。故釋家竒經家流通。釋出付屬。流通也。問諸經流通付屬。隨時有無不定。何必此經有付屬耶。答。鷲峯之一會。佛以名號。而付屬。慈氏王官之一會。亦以佛名。而付屬。慶喜。祇園之一會。盡以名號。而付屬。鷲子。耶大師之深意。在茲。末代之淺識。何疑。

阿彌陀經云佛說此經等事

卅尊說法時將了者。正說已了。大經衆將去。佛定。慇懃付屬佛名。故云將了。生妄闡提輩者。謗念佛者。愚癡。故譬生妄不信。故類闡提如疏。四云。三福俱不行者。即名十惡邪見闡提人也。

私云凡案三經意等事

問前十五篇中皆引文之後即釋其文何局此篇不
解當文惣釋八種選擇之義乎答文無別義故不釋
之耳又此集中雖引諸文而只在顯選擇一義故至
文終委釋其相也雙卷經中有三選擇等者略舉八
種若具存者散在諸文故今又加二十二種選擇之
義一就雙卷經亦有一選擇謂三輩中偏局念佛而
言一向此乃選擇一向也二就觀法經文亦有一選
擇謂下品三生對輕次重罪而說一十念此乃選擇
遇惡待對也三就弥陀經亦有一選擇謂選擇捨少善

選取八善此乃選擇大善也四就文殊般若經亦有
一種選擇謂捨相貌選取名字此乃選擇一行也五
就普賢菩薩有一種選擇謂華嚴云願我臨欲命終
時等既臨終之時選擇捨餘淨土選取極樂界此乃普
賢選擇西方也六就文殊菩薩有一種選擇謂同經云
願我命終時等此乃文殊選擇西方也七就觀世音
菩薩有一選擇謂千手經云念我本師阿弥陀佛此
乃觀音選擇加本師也八就勢至菩薩有一選擇謂
首楞嚴經曰我本因地以念佛心入無生忍今於此
界攝念佛人歸於淨土此乃勢至選擇念佛也九就

龍樹菩薩有一選擇詣十住論中立難易二道此乃
 龍樹選擇易行也又就龍樹所造智論有一選擇謂
 此論云阿彌陀佛先世時作法藏比丘佛將導遍至
 十方示清淨國今選擇淨妙之國以自在嚴其國上
 此乃智論選擇本願也抑弟子然師入滅之後自勘
 得此文上人之料簡龍樹之所釋彼此符合深以隨
 喜然則選擇本願之義更非上人之義即是龍樹之
 義亦非龍樹之義即是釋迦之義亦非釋迦之義即
 是法藏義亦非法藏之義即是前佛之義也前佛義
 故即是法藏菩薩之義亦釋迦如來義亦龍樹菩薩

義亦法然上人義也晨且人師未立此義上人始立
 選擇之名尤以甘心而已十就天親菩薩有一選擇
 謂往生論云何讚嘆口業讚歎稱彼如來名等此乃
 天親選擇名義也十一就惠遠大師有一選擇謂大
 師雖習學三藏之教法而選擇念佛為得度要此乃
 廬山選擇得度也十二就曇鸞大師有一選擇謂遇
 流支與即燒仙經而得觀經此乃鸞師選擇觀經也
 加之此師自立三選擇義謂在心在緣在決定也十
 三就天台大師有一選擇謂傳云火車相現改悔者
 等餘行非火車現時改悔之法故知念佛獨化極惡

此乃天台選擇念佛也十四就道綽禪師有一選擇
謂化并州今行念佛十五就善導大師有一選擇謂
正雜助正分別是也十六就懷感法師有一選擇謂
見大師口出光明專行念佛十七就少康法師有一
選擇謂於烏龍山築三級之壇集四部之衆今行道
念佛十八就法照禪師有一選擇謂詣竹林寺依二
聖之教化得末世之要法十九就慧日三藏有一選
擇謂三藏從天竺而歸後語云即度諸衆偏興念佛
云二十大智律師有一選擇謂師始崇戒律中崇上
乘云歸淨土便深患之時專歸淨土但行念佛云二

十一就惠心先德有一選擇謂要集序意云顯密事理
之教行者為利智精進之者也稱念弥陀之一行者
為如子願嚮之者也云二十二就法然上人有一選
擇謂自計機分亦驗佛誓便捨十一宗之出要方期
十八願之徃益云上來種種選擇之義即先師之遺
範也又被示云吾使知大槩記之汝亦隨有所見聞
而集於選擇之文可續於此義之後云夫速欲離生
死等者此十六句即集大意也謂初題選擇終出八
種皆是念佛超諸行故稱名行獨得選擇名今為顯
此意有此惣結也於中初四句者顯第一篇次十二

句頭第二篇舉此二意攝盡一部後十四段莫非選
擇念佛之故也問曰華嚴天台等者上來偏依善導
一師而勸念佛之故爲顯足爲依憑施此問答顯其
德行也諸師各造淨土章疏者華嚴海東元曉法師
遊心安樂道大經宗要同私記小經記般舟經略記
等天台智者五方便念佛門觀經疏小經義記十疑
論法聰觀經記等真言云禪門飛錫念佛寶王論西
方讚文智覺神棲安養賦并萬善同歸集等三論嘉
祥大經觀經義疏等法相慈恩西方要決小經通讚
同起疏智首小經抄義寂大經述義記等略舉五三

不遺其載道綽禪師問善導等者問蓮華不萎事兩
傳有異說謂瑞應傳中善導問道綽答也新修傳中
或問善導答也然今何言綽問道答乎答誠雖爲或
人問而綽歎其深詣因請令入定決往生得否義當
道綽亦問此事歎德爲要文不委細也復以言或者
非或人是或時也見傳前後綽公或時問善導也彼
瑞應傳是傳不同耳絕綸之譽不可得稱者垂迹姓
氏本生鄉里少年發願徒師訪道精進苦節入滅行
儀帝者歸德今略不載具如諸傳於是貧道昔披閱
茲典粗識素意等者自下作者述懷也上人昔崇德

院御宇長承二年癸誕生久安三年志學攀登啟峯
同年登壇同六年二九隱居黑谷承安五年未歸善導疏
 入專修門三四謂為出離生死雖學一切教而當我
 機失得度門後入報恩藏周覽積年披閱一切經已
 及五遍和尚八軸之書亦覽五遍文幽義邈未得其
 旨然後別開八卷亦看三遍前後補接竊窺八遍纔
 至一心專念弥陀名號之文正解素慧偏行念佛凡
 定業散業雖遍萬行萬善雖多唯選稱名一行以為
 正定之業也爰知瞻專念之文而止餘行仰佛願之
 語而除疑心唯修稱名可遂往生自余以來自行化

他華夷尊卑但唱佛名皆生淨刹然間建久八年丁巳
 五月比先師始謁上人上人六十五先師三十六自
爾爰月輪殿下被催宿緣深以信仰歸以西方之行
 請以念佛之文上人導命而作此集時也建久九年
戊午作已竊示先師云此集依仰不令流布然而汝是
 可傳此法之仁也寫取一本可令弘通末代云先師
 自寫魚網敬受提撕宛如得函杖亦似水寫器經十
 五年建曆二年壬申正月二十五日于時上人入滅十八
 經四十二年嘉禎四年戊戌閏二月二十九日未時先
 師入滅七十弟子嘉禎二年九月八日詣天福寺始

謁先師先師七十五弟子三十八二箇年間觀經疏法事讚禮讚

觀念法門般舟讚論註安樂集選擇集判被作加微選擇集往

生要集并十二門戒儀一一讀傳畢但至般舟讚者

先師云上人御時未流布故不聞口決今准八軸義

勢所授也云云又選擇集本有廣略略則高覽本有遺

弟云廣本者執筆人為初心者後加名目自有小異

不如高覽本云云此本先師所傳抑弟子有宿因值開

曉但恨緣淺纔聞一返先師對眾示曰我年闌齡頽

在卅不久思將來癡闇肝腑不安然我法授然阿畢

法燈何錯然阿是予之成若也遺弟對此人可決不

審云云雖為呷言是永思出也亦過分之遺誠也今以

三代相承輒記五卷決疑而已



選擇傳弘決疑鈔卷第五

外姓卷五

三十九



